

## No deixez morir a mía voz

Y tó que tos digo, amigos  
d'aquí y d'astí y d'allá  
tó, o sé de seguro,  
son cosas qu'atros han dito,  
qu'atros antis más  
han sentiu, y que uey  
sentiz con yo...

A mía voz  
tremola con os aires  
brilla con o sol,  
se chela con os cierzos,  
s'aflama con as calors...

A mía voz ye a de tú  
y a d'ixa chen  
que no conexemos  
ni tú ni yo.

Ye a vida de nusatros,  
d'os que nos fa mal  
o corazón,  
d'os qu'encara somos ninóns  
con o peso d'as añadas  
y as arrugas d'o dolor...

A mía voz  
¿en tiengo encara de voz?  
ye de tú, amigo,  
no a deixes morir en yo.

Ánchel Conte. No deixez morir a mía voz 1972

